

龍南縣志

250.187
39.1

南志 31-8





17885

民國二十五年歲次丙子

龍南縣志

龍南文獻委員會翻印

二十六年徵集之書

龍南縣城基馬路成星號代印

龍南縣志目錄

卷首

序

凡例

纂修姓氏

邑境八堡圖

縣城全圖

縣署全圖

縣文廟圖

龍城書院圖

卷之一

龍南縣志

卷首

目錄一

一

志天文

星野

氣候

禮祥

卷之二

志地理

沿革

疆域

山水

灘湫窟泉潭俱附

形勢

形勝險隘均列

坊鄉

街巷井泉圖堡墟市均列

風俗

物產

卷之三

志政事

賦役

戶口田糧科則雜稅起運經費養廉倉儲 恩卹均列

鹽課

祀典

文廟壇祀廟祀祠祀均列從祀附

兵制

官制兵額冬桃營橫岡營兵餉兵精演武場均列

戢寇

卷之四

志營建

龍南縣志

卷首

目錄二

一一

城池

城內溝渠附

官廨

上諭亭官署行署營署均列倉驛附

學校

儒學社學書院學田院田均列書籍附

澤梁

陂塘堤橋渡均列路工附

祠廟

各壇附

古蹟

樓閣亭臺寺觀坊墓均列留養局漏澤園附

卷之五

志職官

縣長貳

知縣縣丞主簿巡檢典史均列

教職

教諭訓導均列

武秩

指揮千戶百戶守備行司提備行所後營遊擊都司守備千總把總外委均列

名宦

統轄名宦縣名宦均列武名宦附

卷之六

志選舉

科第

入學名額鄉舉名額附

薦辟

貢途

恩拔副歲優貢例貢均列

武科

仕籍

職銜附

寄籍

封贈

鄉賓

龍南縣志

卷首

目錄三

三

五世同堂

壽民壽婦附

卷之七

志人物

儒林

文苑

宦績

武績附

孝友

忠義

善行

隱逸

列女

賢婦節孝烈婦貞女烈女均列

方伎 伎能道釋均列

寓賢

卷之八

志藝文

奏疏

記

各體文

各體詩

龍南縣志

卷首

目錄四

四

龍南縣志舊序

二十六年徵舊序

志之爲言記也郡邑有志蓋以記其邑中所有若山川形勝若民風土俗若學校公宇關梁古蹟物產人材名宦節孝寺觀祠廟詩文題咏之屬靡所不有則靡所不記然亦必務從其實而欲以其信傳信俾四方博雅君子心之疑者有所質傳之訛者有所証耳目之所未及者得有所考據而擴充其見聞求不失古九邱禹貢職方之遺意是志之作實史之資也若乃爲是譸張幻妄以驚駭一時非徒誣人適足以自誣者夫豈作志之初意哉贛之爲郡領十邑龍南乃十邑之一也治雖遼僻而其土地人民政事視他邑不少下矧被皇朝聖澤之所涵濡鎮巡藩臬諸鉅公政教之所化導其間可記者充斥旁午奚容指屈第志有未作雖美弗彰議者

龍南縣志

卷首

舊序一

以爲缺典予守贛之六年爲宏治庚申政通時和士恬民嬉簿書多暇乃相與一二同志咨諏耆老之舊聞采錄耳目之新得在理者登反是者不錄論次成編釐爲五卷凡邑之所有者記悉無遺將傳信於四方以資藉其觀覽署曰龍南縣志愧才薄識淺不能免夫掛一漏萬之譏其於所謂譸張幻妄驚駭一時之說予不敢爲也書成同寅二守馬德用謂予宜序故謬序其所以作志之意如此明宏治十三年庚申知贛州府事何恍撰

龍南縣志舊序

予往龍南得遍觀其崇山絕壑交錯糾紛以爲江廣必守之地比守虔盡知其風俗變遷民心治忽之故惜其不得賢者宰之可以臥理王尹溫恭愷悌蓋吳中名士也宰龍南三年而大治初見邑志缺自下車抵今未嘗忘凡耳目所及轍跡所至往牒遺編章縫之士田野故老延覽博訪積久而成編授俞生琳爲之撰請序於予予曰國史家乘之重豈徒以文哉蓋齊治之具龍邑建五百餘年志獨闕其間沿革興廢疆甸財賦漫無所考卽矜名樹勳者奮起後先而光景湮滅鮮能舉其姓氏况所謂治具者哉王尹創爲

方佩

綬者何爲斲於循聲橫經者何爲鮮於召對哲士貞媛能無遺於細微詞方雕樸能無兢於侈靡豪家鉅黨能無梗於馴讐靈巖秘洞則探奇窮幽之暇也紀事咏物則懷古憂時之慨也卉木禽獸之產災祥常變之數與夫瑣語繁說纖悉具載至於凡例則立爲二編自建置以至今蹟皆因於地者屬之地輿自職官以至藝文皆成於人者屬之人物簡核而精嚴爾雄而適古可謂良志矣夫志之良非難而難於無所襲無所襲非難而難於本乎身之所至而政之所出是所謂適於治之具也雖然此成法也有所以爲之法者故孤梁之歌可隨也其所以歌者不可爲也王尹率其愷悌

以保赤子而求之甚誠由是化其耳目所及者爲精神轍跡所至者爲心膂遐搜僻採民間疾苦與其靈然惻然者相淪洽而不可解然後爲之記載猶父母登其積藏田廬之數下及於筐篚豕犢之微以遺其子若孫也夫卽其登記者以得其不可解之心可矣不然挾策而求惟其物焉耳是見削木爲鑠而不知其巧之端見捶鈎者而不知其視察之忘也尙得爲善治乎輸子陽爲其子曰良工漸乎矩鑿之中無物不周聖王以治民造父以治馬醫賂以治病同材而各自取焉然則後之觀是志者善取而用之卽其所以爲法者以化民易俗而制其崑險之勢則知天下無不可易治

龍南縣志舊序

天下之事史乘載之郡國之事邑乘載之天下之大一邑之積也
邑乘成則郡國之事可考而知矣合邑而歸之郡合郡邑而歸之
史天下之事可考而知矣周禮小史與外史掌邦國四方之志凡
列國山川風土物產之詳咸登記註古王者深居禁禦不下堂知
天下恃此具爾今

天子武功告成申命同文

勅天下郡邑纂修舊志以時上太史余監治虔南適董其事而龍南則
虔巖邑也邑令鄧子元貞受事數月先以志成告將付汗青請余
題其首簡余惟今之龍南非舊矣自高砂下歷之割而龍之疆索
隘矣自細徠閩寇之亂而龍之戶口耗矣問志於龍得無賦猶懸

舊序四

而畛已草窃乎版猶登而民已獸散乎然而膠庠秀士猶殷絃誦
登賢書者未闕於鄉也井里細民猶勤稼織業珥筆者漸革其俗
也文成過化之風尙有存焉者得賢宰沐浴而咻噢之變其巫詛
之風嘯以仁儉之澤猶足起凋劫於既羸剔朽蠹於將腐也叅之
於志大略可觀矣夫志者識也識其沿革以備損益識其貞衷以
備法戒訂覈失詳褒譏易位卽不能無憾於後之君子范石湖非
不彙志吳郡竟以妄議而不得刊非其明驗耶龍之舊志成於俞
君琳萬歷以後事實闕如也兵燹之餘版付煙燼鄧子撥採舊聞
敦禮邑故相與續成是編其紀事也核而不詭于實其持論也正
而不病于激其著宦績而定鄉評也寧闕而無濫寧質而不阿覽
其載筆猶有古良史遺意以是隸之郡乘可以上貢輶軒矣抑余

聞之爲治之道相其萌而先杜之乃可久安而不困龍界九連三
淵之間禍害之興皆起于外寇蹂躪而清規首難則肇于署者之
墨蒞斯土者可以知所戒矣余不敏惟是正本清源之道願與諸
君子共勉焉且樂觀共政之成也志云乎哉

康熙二十二年癸亥仲冬月分巡贛南道丁焯撰

龍南縣志舊序

郡邑有志猶國之有史匪直載事蓋以昭鑒戒維風會也古天子省方必命太史陳風市司納價無非觀民設教爲移風易俗之本故欲挽民風先培世教欲倡教化先求信徵志之不可以已也如是乎龍南雖隸一隅山則玉巖歸美玲瓏嶽崎水則濂渥桃源環匯襟帶人則龍圖大常後先彪炳至于家絃戶誦衣冠文物不下於諸邑邇因滄桑遞變志久不續觀記靡資觀法無據有心世道者忍聽其缺而不問耶况世遠年湮其間風土之隆替習俗之淳漓與夫生齒之蕃耗使非重爲修輯欲求信徵無誤其可得歟余蒞贛未半載卽奉

命修志於是各屬莫不從事恐後焉龍令鄧君來僅閱月能敬凜是

命不遑朝夕躬親咨訪廣採輿論搜求遺文酌古準今編輯授梓庶幾爲龍邑之信史耳余披覽而深嘉之因樂爲之序曰蓋志有次第以秩官弁其首所以明官常尊

朝廷也次及衙署隆體統也志地里以正疆界志土產以昭地利戶役志而任土之貢以明人物志而靈秀之鍾不泯淳澆異尙風俗紀閱世之殊功德在人祠祀識遺澤之遠朝華夕萎悉書文苑詞章星宇雲蒸爰表災祥徵應皆覈之確而記之祥俾畱心民瘼者一展卷間班班可考由是觀官守則思圖報稱稽署宇則思節廉隅視輿圖錯繡則綢繆在未雨之先觀土宜必辨則樽節當物力之阜按版籍而懷保是憂綜往哲而景行倍切他如挽頽風崇功德人文歲省何一非移風易俗之攸關觀民設教之所必藉也總之

布公道以協人心本直道以昭天理存古道以振澆漓期於景先
民之矩矱不淪於菲薄而後卽安因此風氣漸移人心敦古居然
仁里龍其有瘳官斯士者亦與有功矣此所以亟亟焉志之以媿
美於國史昭鑒於無窮維風會於勿替也寧徒曰載事已乎
康熙二十二年癸亥孟冬月知贛州府事三韓李文獻撰

龍南縣志舊序

古邦國典故小史載之此郡邑之志所由昉也第志以記事前事之不忘爲後事之師夫使後人不忘前事則志重而使後事必師前事則志愈重凡建置興廢之由貢賦土物之宜風俗沿革之異與夫官師選舉忠孝節義嘉言懿行必犁然備具確然有據始稱全志志固不重哉今

聖天子恩德覃敷海隅日出罔不蒙庥且稽古懋學崇文興怡爰

語儒臣編輯

大清一統志以補獻

皇猷光昭

聖治甚鉅典也迺遍徵十五國志用資採擇而普天郡邑莫不仰承

龍南縣志

卷首

舊序八

八

上命翕然修志恐後焉贛屬龍南舊固有志未修幾近百年兼以屢經兵燹殘編斷簡有已志而訛於昔戾於今者利用修有未志而續於後遺於前者利用修至若城郭之開廓學宮之遷改戶口之增益人文之蔚起則今日之所宜修又烏可以已余奉

簡命來蒞茲土未越月憲檄修刊舊志余欽遵之謀於紳衿蒐集故牒掇拾遺文稗編巷語罔不咨訪闕疑訂舛芟繁剔僞詳加校讐惟其所當兩閱月而志成凡建置興廢之由貢賦土物之宜風俗沿革之異與夫官師選舉忠孝節義嘉言懿行條分縷晰一披覽間遂見闔邑之風景燦若列眉境內之往蹟昭於指掌炳炳麟麟洵可爲一方實錄矣於以仰副

上命共襄

鉅典黼黻

皇猷光昭

聖治亦庶乎其有裨焉耳余不敏借諸君子爲之叅稽互訂以成此志
志成爰爲之序

康熙二十二年癸亥冬月知龍南縣事漢江鄧元貞撰

龍南縣志

卷首

舊序九

九

龍南縣志舊序

予萍度月餘龍令缺當事檄予承事不獲辭時際隆冬乘舸沂流旬日乃得抵所謂龍頭者因登高縱眺見山巒如萬戟攢簇人終日於熊館鳥道中盤旋一水自西北奔來懸掛丈許舟上下真若入地登天必盡空所載方得越窈嘆曰此亦可以爲治也過此則安瀾澄碧直抱城隈山色缺十六字儼列雉堞然各離城十數里或數十里而遠田野平曠黎庶樸勤士大夫之接見者率皆雅雅魚魚無僂巧佻浮之習覺文成過化後流風餘韻猶有存者間歷玉石巖清脩山諸勝清幽秀拔真是別有洞天乃知天下事殊未可以意測也公餘之閒與二三友人繙閱邑乘見有山水之窮渺奇奧者若而地藝文之標奇紀勝琅琅可誦者若而編節烈篤行

龍南縣志

卷首

舊序十

十

以及奮起科名棲隱巖谷者若而人乃更窈嘆曰天下事真未可以意測也第考所修之志已經二十四載雖山川如故疆井依然其間人物文章祥異沿革之類與時俱變者亦不一矣及今不錄後將奚徵爰謀諸司鐸徐君元曼鄧君旭章捐俸增修禮聘邑之知名士孝廉王君之驥鍾君宏揚陳君餘芳明經蕭君之俊賴君期曾文學王子大受徐子之璘廖子運晦謝子上琨互相採輯慎別去取凡閱月而告成無濫收無遺美事同琢玉五若綴裘彬彬乎洵可謂踵事而增華覈實以徵信也已或曰官如傳舍况君特暫攝是邦還有日矣何計事之長也予曰否否昔之人有偶憩一室必焚香掃地如久居然者今予一日在治卽一日之有司修補闕遺振起風教誠有司責也又何靳此區區而不爲一邑勤斯盛

舉以繼休於曩哲而昭信於來茲哉既授梓人爰弁數語於端以當歲月之紀

康熙四十五年丙戌仲秋月贛州府通判攝龍南縣篆橫海閩士傑撰